

沈雲龍編輯

明清史料彙編

集二

第三冊

文海出版社印行

明清史料彙編二集目錄

第三冊

烈皇小識

明·文

秉撰

九九一

烈皇小識

八卷

烈皇小識序

烈皇昔繇藩邸入繼大統毒
霧迷空荆棘滿地以予身出
入于刀鋒劒鏃之中不動聲
色巨奸立掃真所謂聰明睿

智神武不殺者耶儀監于殷
盡徹諸內奄政事俱歸于外
庭誠千載一時也然而逆璫
遺孽但知力護殘局不復顧
國家大計卽廢藉諸公亦閱

歷久而情面深無復有贊皇
魏公其人者且如長山以改
敕獲戾而上疑大臣不足倚
矣未幾烏程以枚卜告訐而
上疑羣臣不足信矣次年罪

督以私款債事而上疑邊臣
不足任矣舉外廷皆不可恃
勢不得不仍歸于內適又有
借不測之恩威伸具瞻之喜
怒者事權乃盡歸于內而不

可復收嗟乎赫赫師尹顛倒
豪傑者乃爾卽我先臣以講
筵荷蒙聖鑒超拔政府真有
虛已以聽之意而兩月揆地
一語招尤致負聖明特達無

以報稱天乎人乎豈氣運使
然乎先臣罷而韓城武陵輩
進雖聖主日見其憂勤而羣
下日流于黨比痼疾已成不
復可藥矣不肖于十七年中

備集烈皇行事以志堯舜聖
君之恩又以志有君無臣之
嘆集成巨帙數十冊可備一
朝史料因遭家難同世藏書
翰墨等項誤行寄託遂不可

問致烈皇遺跡
蠟行湮沒不彰
當亦有志所共
痛心疾首者也
年來屏跡深山
間有客相過從
詢及舊事尙有
一二仿佛胸臆間
竊恐失此不傳

後悔無及又承同志或一人
一事相示因纂抄成冊名曰
烈皇小識共八卷意四方君
子當有識其大者雖所纂者
十不得二三然以備修史者

之采擇亦未必無小助迨至
天不祚明帝星告殞守正不
屈寧以身殉輒悲憤填膺扼
吭欲絕涕泗滂沱幾執筆而
不能下矣竹塢遺民文秉書

于考槃之賁石亭

烈皇小識序終

烈皇小識卷一

烈皇帝爲光廟第五子孝純劉太后所出而撫育
于李莊妃天啓二年九月冊封信王七年二月
出就外邸成婚冊妃周氏熹廟病危魏忠賢遣
腹奄涂文輔迎上入宮上時自危甚袖食物以
入不敢食宮中物是夜秉燭獨坐見一奄攜劍
過取之留置几上許給以賞憫邏者欲與酒食
問左右何從取給左右對宜取之光祿因傳令
旨遍犒之歡聲如雷周后在外邸禱卜無虛晷